

漳州府志卷之三十二人物五

國朝人物列傳上 乾隆志卷四十

論曰晉范宣子以世族爲不朽魯穆叔非之其論卓矣然苟代有令德而加之立功與言是世族且與不朽兼之載筆者追揚其前人貽謀之遠子孫繼序之勤若漢書之傳張安世金日磾杜延年桓榮陳實世濟其美相與歸功乎累朝滋培之厚上追伊巫世胄申呂邦楨豈不休歟漳前志歷唐宋入明首載世德蓋祖述班氏舊例非創也今傳

國朝人物首載戴氏迄黃氏皆以世德爲邦家光其次第
漳州府志 卷之三十二 人物五 一 二百七十八

先後則按其選舉入官之年代臚而序之如左云

戴璣

戴璣字利衡長泰明中丞時宗之元孫也少力學弱冠領鄉薦登順治己丑進士官戶曹調吏部出爲湖廣上江道當是時滇黔梗化軍書繹騷奸宄多乘間竊發璣按部編履山川得其阨塞要害乃自岳州至嘉魚立七汛造哨船募兵巡邏復設三汛于洞庭湖自是三湘七澤間雀苻無警晏如也調陝西西寧道以憂歸服闋補廣西右江道駐柳州先是土酋韋兆熊構逆久亂璣始至招撫之而大酋唐應元復起親擒斬巨魁梁邦傑以徇

諸蠻懾服會裁缺歸里康熙乙卯海寇圍漳城璣子璘
爲海澄公黃芳度守東門賊執璣至城下招璘降璣大
呼兒努力死守賊怒牽之去城破璘死璣嘆曰兒能盡
節吾無憾矣丁巳我師復漳郡賊敗走璣得脫戊午賊
又陷長泰再被執渠帥曰崛強老猶在乎幽之鷺島逾
年誦正氣歌以自壯賊本無意殺璣璣不食嘔血數升
而死初璣父焯家居遇歲祲嘗發粟平糶及璣仕迎養
又爲食于淮陰賑饑民岳陽火親行灰燼中遍詢災黎
給一廛之直故璣之貴也咸曰天道有知及羅橫禍妻
子遭虜掠鄉里大爲戚戚若凶害之身受者焉孫灋以

漳州府志

卷之三十二

人物五

二

四百〇二不

別駕謁選至京丐睢陽湯文正斌爲之傳文正璣同年
友也族子鍊字貞一康熙癸酉舉人英姿卓犖善詩性
至孝事嫡母生母無失歡一日檄下司教清流乃蹙然
曰八衰老親在堂余忍絕裾往哉固辭不許遂迎養署
齋未幾丁嫡母憂回籍家居建小宗祠完通戶逋賦族
有貧而乏嗣者爲設法立孤時人稱爲醇德著有踏波
文集

論曰戴璣年七十餘已去官而父子殉寇難百折不
挫可不謂難歟戴氏當明中晚名公碩德並時隆顯
各著賢聲焜耀史乘璣遭

熙朝景運以名進士繩前人光敷歷中外具有懋績歸于忠孝風厲有位自時厥後清漳人士迻迻然以節相侈吾道先路蓋不可誣云

蔡而烜

祚燕

蔡而烜字邦鄂一橙長子也性剛方嘗受業黃道周之門道周稱其善學順治戊戌成進士授桐柏令抵任省冗役除常例錢讞疑獄能得其情民有爲其妻謀死併沉其屍者而烜廉知之格於無證就枕徬徨不寐燭影下恍見有裸身來者叱之應聲曰某卽被妻殺者也感公誠心屍求之某處水中可得旦求之果然遂讞決論婦

漳州府志

卷之三十二

人物五

三

二百八十八

如法人以爲神先是邑無登第士召諸生課以文親爲指授明年邑人樊翰遂成進士中州無紡車孺人林氏自家携具以教里婦邑人歌之曰蔡公夫婦杜母召父告歸日老幼扶携送之不忍去所著有說郢褒異揀金及葩選等事子祚燕廩貢生能文章見重四明陳令君世其家

蔡而烜

祚達

祚週

應鉞

衍錕

鏊鏹

蔡而烜字邦璧一橙次子也順治壬辰成進士授東昌府推官凡留獄未具者抵任後悉裁決無遺臺使者登諸薦牘至比之秋月秋霜云邑令某失大府意屬推官揭

叅而烷持不上詬之曰若能從井救人乎正色對曰能從井救人不能殺人媚人也大府怒勒休致拂衣歸而烷友愛昆弟均貲財無所吝與孺人相對如賓友年甫四十孺人歿遂不再娶著有西湖藏稿祀鄉賢子祚達祚週○祚達字道子邑增生順治乙未海寇鄭氏入漳祚達方携弟妹匿深山而寇已襲其父幽之鷺門索餉金纍纍祚達適以妻病出山尋醫聞信不反顧急走鷺門願代父繫不得達呼泣五日水漿不入口有長林寺僧萬者鄭所善也憐之爲達之鄭如所請祚達驟喜父之得歸也日入水櫃中備受楚毒無難色僧歎曰孝子

漳州府志

卷之三十二

人物五

四

四百三十八

也值臘終賊帥至寺僧爲好語說之賊意解僧乃潛約水卒于元日薄暮放之歸掖以行至界卒曰界不敢越也子自努力時潮水方退泥忽驟乾可行倦卧草間若有人推之曰起行數武適有肩輿至許以厚直載之歸父子俱獲全學官舉孝友固辭卒列祀典子應鉞名噪南州文社以歲貢授大田訓導○祚週字君旋康熙間拔貢入雍受殊獎于大司成崑山徐乾學聲名籍甚授歸化教諭上官知其才也檄令招撫海寇兼催西路餉以軍功加正一品終福州府教授善籌事當道有大議多咨之晚歲歸鄉好行善事丁亥邑大水民皇皇無所

避從四明陳令君登城嗟吁多方拯溺給饘粥分男女無不得所鄉民德之卒祀鄉賢名宦子衍錕鰲鑄皆有令譽時稱三鳳衍錕字宮聞大中丞張清恪重其文行方脩理學書聘主院事以歲貢考授州司馬鰲字子治方受知于清恪以副貢授寧德教諭鑄字雀人康熙乙酉舉于鄉博通經史旁及天文律歷算法學問深博聲名欲駕其兩兄以子長澆貴贈官恩平縣知縣

蔡璧

世遠

鳴珂

可遠

長漢

長融

長澐

蔡璧字君宏一字武湖漳浦人父而煜字邦賁一字季湛師事黃道周下筆爲書古文辭風骨輒與之肖道周心

漳州府志

卷之三十二

人物五

五

四百二十九

重之明季寇攘乃携家避居梁山之麓團結鄉勇爲防禦計復脩行藍田鄉約兩兄皆登進士而煜一諸生名德不少讓焉璧其第三子也爲人端介敦恪康熙壬子選入太學兩世皆第一當路欲官之曰吾不與易膝下歡也歸里授徒資孝養四壁蕭然聲望彌高四明陳汝咸以翰林出宰漳浦標譽一時使人導意欲見之不可聞其家近清泉寺陳乃挾諸生僞出遊造廬乃得見退而嘆曰今之黃叔度也丙戌任羅源教諭慨然曰天下之治亂在人才人才之盛衰出學校吾豈苟乎哉時年已六十親爲諸生講論翕然悅服當是時中州張清恪

伯行撫福建下車倡學明倫培造英秀首開鰲峯共學
兩書院復聘名士訂先正理學書以惠來者聞羅源教
諭善教人請爲書院長璧嘗詮解朱子學則數條清恪
語諸名士曰纂言當以蔡先生爲法嘗欲特疏學行薦
於朝璧力辭衰老乃已性狷潔清恪屢欲有贈開其端
復中止庚寅乞休歸與子弟門生論學在篤倫理嚴義
利以躬行爲本讀書必限以工程而使之涵泳體察曰
返之於身可以寡過措之筆下可以成文如是而已辛
卯卒于家及門私諡曰恭靖祀鄉賢羅源人亦祀之名
宦子三人長宗伯世遠自有傳次鳴珂字唐里康熙丁

漳州府志

卷之三十二

人物五

六

四百二十八

酉舉人爲人和平樂易而言笑動止不苟子弟臧獲見
之必斂容前後丁內外艱盡哀禮伯兄季弟官于外凡
家族事皆鳴珂主之肅如也次可遠字致夫康熙甲午
舉人初任淞江分水令旋調桐鄉清積案釐漕規築海
塘再分校鄉闈稱得士在桐鄉十年民安其教吏懷其
德平生孝友事兄如父待從子如子在家無私積入仕
好行其德人以爲難蔡氏科第甲于邑中自遷居梁麓
名公卿先後接武子姓振振皆推本季湛武湖貽謀之
善凡過梁麓里門者無不式也

世遠字聞之一字梁邨由編修五遷而至禮部侍郎今

上初元賜謚文勤制詞曰秉姿直諒制行端方昭其品也又曰研究于天人性命砥礪乎理學文章昭其學也又曰講學鰲峯克探濂洛關閩之蘊昭其教也又曰談經禁近

朕心飫講論之勤晉秩容臺邦禮藉寅清之重昭其勤也終之曰展二希之遺集垂百世之休風昭其文也語云知臣莫若君知弟莫若師故相國李文貞光地文勤之師也相國薨文勤爲文以祭其略曰世遠成進士出吾師之門廸我者不獨在語言文字之間期我者有出於功名爵祿之外世遠服習先儒書歷有年所自吾師發其

漳州府志

卷之三十二

人物五

七

四百一十九

覆始有依歸不謂荒陋如世遠猶欲進以程朱之學也世遠幸際明時常懷負暄之獻吾師齋宿天壇獨召與語久之曰子抱經濟才盍言之因得盡吐于前質論過夜分不謂迂疏如世遠猶欲策以經世之務也世遠夙有好善之心每見端人正士及一言一行足錄皆心識不敢忘議論偶及其人吾師輒待之有加或隨才薦拔以世遠之愚昧猶不以其可否爲無足重輕也文勤自其少時承父訓卽好讀宋五子遺編長益窮極深微復講求世務爲有用之學慕范希文眞希元二先生爲人敦行孝弟以民物爲己任故自名其集曰二希堂好善

惘歎出于天性士有志行道藝必躬禮先焉知其賢則思開通而成就之汲汲然如有所負掌教鰲峯閩士皆矜奮

先皇帝特召入都侍

上潛邸凡進講五經及儒先之書必近而引之身心發言處事所宜設誠而致行者觀諸史及歷代文士所述造則於興亡治亂君子小人消長心迹異同反覆陳列三致章焉伏讀

制詞倦念甘盤舊學一德一心孚契之深曰篤不忘與夫文貞相國函丈討論周情孔思神融意釋師弟間自爲知

漳州府志

卷之三十二

人物五

八

二百五十九

已統是二者觀之可以盡文勤之平生矣書其大端則其細可略也子男存者觀瀾任江西道御史刑部員外郎長訥

欽賜舉人長漢長澧長澧皆卒長漢字青閣文勤長子雍正己酉舉人

恩授刑部淞江司主事小心供職上官皆曰是克家子既得病猶強起任事重氣誼能急人之難年未四十卒知交哭之盡哀長澧文勤第四子字遜冲太學生爲人方正剛果諸兄官于外遇族姓吉凶事輒先至曲爲區畫諸母中有緩急必曰俟遜冲至乾隆戊子春奸人倉卒煽

亂鄉人羣走依遜冲所躬帥諸子碾米貸之食以安衆志復糾召鄉壯伏要害處會官軍至小醜平鄉民幸無事故於其卒也家之父兄子弟鄉之耆老俱走哭失聲從兄大司馬尤痛惜之爲傳其畧云爾長澧官至兵部侍郎自有傳

長澧字巨源文勤次子年十三入縣學乾隆戊午學使者疏薦孝弟廉潔貢入太學己未引見

詔往江南以知縣用初試甘泉令邑故饒進署僅携二笥出如之調石埭改句容縣有劇盜久繫獄不肯承感以誠一訊而服時方議疏秦淮河長澧悉其源委條上開石漳州府志

卷之三十二

人物五

九

四百〇八

湫濬赤山湖二議上官躡其言調補無錫令旋遷太倉州牧徐氏女妖妄惑民寘之法

詔授江寧府知府到官立造士規定賑濟以錢代米之法時制府爲故相國黃文襄廷桂涖下嚴峻守令白事以曲跪爲恭長澧獨長揖徙守廬州大水奉勘他屬州縣災具實以報與他守土者不符臺檄下將遣吏覆勘長澧抗言淮右瘠地目下水潦未涸民無所得食宜加恩寬卹狀再上制府轉嘉其有執更檄所部有司當以蔡守爲法立調繁松江人皆嘆太守守正不阿而制府亦得賢聲松江稱難治以靜鎮之吏民稱便華亭有金山嘴

二塘以扞潮嚙衛田廬歲久湮廢力請復舊擢江寧巡道時適開睢河又挑丹陽運河千夫荷鍤躬自往來指麾或以爲太勞對曰勤事利民守土職也蓋自出宰以來于周官溝洫澮川疏排濬築之政殫心焉嘗奉檄督七十餘艘遞送旗兵至清河舟膠淺不進虔禱于神有頃風東來水起波驟漲三尺舟獲達于淮方初任值蝗生感古循吏事爲文罪已蝗亦飛去二事宦江南者以爲美談云辛巳除四川按察使

上諭嚙嚙爲民害毋稍姑息抵任嚴教條除奸暴閭井晏如旋擢貳司馬自惟先入荷

漳州府志

卷之三十二

人物五

十

四百〇三

國厚恩施及後嗣膺不次拔擢大懼不稱以故奉職愈勤劬檢身愈刻削清苦病臥邸舍力疾判牘疾革氣漸微忽張目語曰堂吏抱牒來乎歿之日囊無剩錢笥有剩衣舉朝嗟歎不愧文勤令子矣友愛兄弟易簀時已不能語弟比部觀瀾坐于床尚引其手從額至頤撫摩良久而後瞑比部自爲狀寫哀復求錢塘孫顥表其墓卒時年五十有三

論曰濂溪周子云師道立則善人多誠哉是言也閩自武湖文勤兩世相承爲鰲峯書院師模範陶冶言行而身化之閩士之著聲于時有聞于後者非親承

訓迪則私淑以相傳習不悖其指歸者也既歷三紀後出英秀復由文勤而上泝文貞微言奧解粲如中天之日以是知梁麓講學明道之德遠而功大矣昔東漢桓春卿溫恭蘊籍褒衣博帶辨明經義史氏艷稱其門生數百人天子親自執業每言輒曰太師在是傳子郁孫焉曾孫鸞相襲爲名儒稽古之榮以爲僅事夫春卿所傳者離析章句敷衍大義孰與夫文勤究性命之精探濂洛之蘊煌煌

制詞千秋定論無以復加者乎武湖肇倡于前而巨源昆弟

念昔先人靖共爾位以視春卿子孫繩繩相去何如

漳州府志

卷之三十二

人物五

十一

二百七十八

也詩曰凡周之士不顯亦世又曰夙興夜寐無忝所生蓋自古誌之矣

蔡祚熹

衍罇

孚遠

漑

雲從

本櫛

蔡祚熹字在朱而煜季子璧之弟也幼質魯讀書能遜志善入年三十學使者拔冠邑庠自是每試皆高等食餼廩性介潔而貌和易可親邑令聘主義學凡八年諸名士多經其指授中歲頗習養生家言淡于榮利屢躋場屋豪無介意雍正三年以明經授安溪訓導携一子一孫偕諸生來謁勛以敦內行立節概真意盎然士心歸

之或以吏事道邨落與父老子弟言慈孝進髦士論讀書作文法爭迎致書館曰我家先生至也到任一年請業請益者踵相接月課諸生親爲詮發書義關節開解條理分釋遠近向風逾年得疾諸生近者迭侍遠者交訊瘥否以爲憂喜旋告歸紳衿徒步送四十里外洒涕而別觀者歎息厥後諸生譚及恩誼之孚人物文章之美必曰蔡師蔡師云天性孝友避亂梁山粥食猶艱常枵腹以飽雙親自館歸省私取衣袴躬自浣澣喜且泣曰此境可多得耶侍兄側執弟禮甚恭忘其身之老也卽其兄亦相與安之年七十九卒子衍鐔孚遠

漳州府志

卷之三十二

人物五

十二

四百三十五

衍鐔字右章生有淳姿足不履影孝事父母母頻年病肺藥餌醴粥必親在視時而敬進之家貧父館于外鉅細事獨身荷之衣食不充思訓蒙瞻朝夕又念業未成嘆曰吾不敢任他人事以自荒也忍饑力學竟以數奇不遇嘔血數年而卒父痛惜之嘗語人曰是子事吾無一事不如吾意與文勤爲從兄弟文勤爲文哭之曰吾兄孝於親友於兄弟舉其一端片善亦人所難學邑俗家有子昏娶畢輒私蓄父母取之有難色兄弟則居然畛域矣兄嘗痛憤語余曰人雖不肖何至父子兄弟間而有利心幾何而不入于禽獸耶兄自昏娶後所得豪不

自私嫂氏又賢嘗脫珥簪佐日用之需嗚呼此事本自尋常何足爲吾兄稱道然亦可以愧天下之重財帛而輕骨肉者矣兄今年三十生有二子聰慧可愛將來教養之可成立文勤之言如此二子長漑乾隆丙辰舉人已丑進士選翰林院庶吉士假歸養母卒于家學行詳翰林合傳次新壬子舉人丙辰進士翰林院編脩今任兵部尚書自父而上三世

誥授如其階天祐仁孝鄉里州部遠近爭誦文勤之文以爲驗云孚遠字誠符有氣岸年二十餘補諸生從文勤學于鰲峯九郡之英若爲之屈撫孤姪如子隨父司訓安

漳州府志

卷之三十二

人物五

十三

四百二十七

溪遇文會議論駿發諸名士俱傾向期月而遠近慕效土氣之奮不無助焉踰年父病憂形于色坐床下達旦不數日貌枯神索諸生來問疾皆感嘆願更侍左右冀可少休也丁未送文勤眷屬入京與賢士大夫游益體玩宋儒書及歷代名臣傳朱高安相國桐城方望溪先生皆心器焉力疾應京兆試竟不遇而卒卒後七年丙辰子雲從舉鄉科第一壬戌成進士官翰林人曰固其子之賢亦其父畜德積學之報也雲從丁內艱歸服闋入都得病卒學行詳翰林合傳族子本櫛字檐仲父曰長淳長淳父曰衍鎡衍鎡父曰來朋來朋父曰而煜乃

文勤之祖父也而煜遷居梁麓蔡氏之族益大來朋爲小宗長子好讀異書陳令君汝咸重其文延脩邑乘衍鎡爲其長子以齒德爲鄉大賓兩代皆祖正體長淳嗜學試于庠屢第一學使者程少宰元章拔入太學廷試又第一

詔往山西以知縣用授稷山令本櫛其次子也發憤避人讀書乾隆甲子以五經中京兆試教胄

內廷授東湖縣令爲民開溝渠通淤塞兼絕火患民德之丙子分校解元蕭學純出其門居官清白自矢告歸卒論曰昔歐陽修表其父崇公之阡曰爲善無不報而

漳州府志

卷之三十二

人物五

十四

二百八十五

遲速有時此理之常也惟我祖考積善成德宜享其隆雖不克有于其躬而賜爵受封顯榮褒大是足以表見于後世而庇賴其子孫矣觀於蔡氏三世樹德始雖淹滯屈抑終乃大顯于時爲善獲報與歐陽氏若合符節瀧岡之表爲其祖父之爲善徵之實爲天下後世祖父之爲善者徵之也真有道之言哉

黃 梧

芳度

芳世

芳泰

應纘

黃梧字君宣平和人少儻任氣長負智勇畧明季之亂東南所在如沸梧溷迹海島中

王師渡江弔民伐罪自浙泊閩版圖歸一獨鄭氏窮踞絕嶠

奮其螳臂恃巨浸爲長城梧密察順逆之勢識天命所歸思效誠悃以海澄數萬之衆率先來歸

世祖大喜特封海澄公屬以沿海機務梧志在輸忠且洞悉諸島阨塞賊勢險易帥師先奪烏龍江羅星塔斷賊吭以通南北路護定遠大將軍世子還京梧軍律嚴明與士卒同甘苦人樂爲用又知人善任使故所向無弗克捷者順治十四年同固山額真土復萬安鎮十五年賊大舉犯雲霄統副將施琅等拒戰梟僞伯張進陳璋十七年同大將軍達素相機進取造巨艦募水軍出奇敗賊斬僞侯周瑞招降驍將萬祿萬義再縱反間降僞伯黃

漳州府志

卷之三十二

人物五

十五

四百〇个

廷陳輝周全斌盡收其戰艦樓船賊勢日蹙梧曰急乘勝破之不可失也遂上疏請大蒐三島與總督李率泰固山郎賽破廈門金門銅山餘孽遠遁諸島悉平冊功特進上公世襲十二次開府漳南沿海諸郡凡十餘年無寇患梧之功也康熙十三年耿精忠陰蓄異志梧□其必聯結海寇爲逆將密疏

朝廷預籌其變方病癰勢甚危疏未及上而精忠反果與鄭氏連梧伏枕聞變怒目決眦癰迸裂矚芳度曰勉之君恩未報固守拒賊若濟國之靈也不濟則以死繼之言訖而薨

贈太保謚忠恪芳度襲爵

芳度字壽巖忠恪長子少凝重不戲狀貌瓌偉軍民皆目之耿逆叛踞福州芳度嗣事未數月鄭氏乘亂踞泉州二賊方連勢爲犄角芳度密募精銳陽與賊款陰走人詣

闕上變請濟師

聖祖出奏誇示朝臣命襲爵趣興援師居久之形稍外洩賊遣人覘之回告其帥曰必急圖無易爲少年逾年賊傾師圍城芳度使從弟芳泰突圍出迎援而自擐甲登陴與諸將分禦四門置火藥環其室誓家人曰脫有不虞迅

漳州府志

卷之三十二

人物五

十六

二百七十七

自焚由是士氣百倍賊輦巨炮攻城訇聲震雉圯而附于隍五十餘丈芳度下火藥盡燒緣上城者立柵舉土須臾而城完瞻察夷傷撫循之三軍之士益奮又置重賞出輕師躡賊賊皆扶創奔命如是者六閱月聞援師從汀州間道且至賊將遁去叛將吳淑貳于賊十月六日平明霧作淑潛開東門延賊芳度方登芝山間變卽馳歸欲縱火焚其孥不及追者至急趣諸軍巷戰失利自投開元寺井中死不及援兵間二日耳賊入遂辜芳度屍一門無少長咸死事聞于

朝追封芳度爲王謚忠勇芳世襲爵

芳世字周士忠恪猶子也少魁奇先以
覲授一等侍衛

天子出獵遊燕必加恩賚迨耿鄭相結爲禍亂漳城岌岌
朝命特授芳世福建中路總兵官同大兵由粵入援會潯
暑北兵不習水土難以逕進芳世雖悉力奮勇前驅未
至二百里城已陷不得已退屯惠州無何粵東又叛芳
世憤恨拔所佩劍欲自刎從弟芳泰在側泣告曰吾兄
宜歸命京師圖後舉徒死何爲者乃間走入都得召
見陳城破芳度殉難始末

上爲垂涕命襲公爵兼提督福建水師軍務時 康親王已

漳州府志

卷之三十二

人物五

十七

二百九十四

平復閩土獨鄭氏黨羽尚充斥海濱芳世至卽誓師攻
破天成寨復屯祖山以計設伏戮其右帥威聲大振有
山寇裏白頭曰蔡寅者嘯聚亦數萬人芳世帥師殲之
天寶山方提師誓滅海寇竟以積勞卒于軍

贈少保謚忠襄芳泰襲爵

芳泰字和士亦忠恪猶子質性醇厚少治舉子業稱文武
才漳城被困芳泰以芳度命突圍迎援得免于難至粵
東承授右路總兵官同芳世入援無及退屯惠州又值
粵變芳泰常自恨不得同兄提一旅以雪國愾報家仇
而掃閩海之氛於底定也居無何芳世薨襲公爵兩朝

京師

天子令大臣郊迎賜宴命坐芳泰生平謙謹不以富貴加鄉人每出入必屏騶從鄉人愛且敬焉未幾薨

贈太子太保謚襄愨應纘襲爵

應纘字緒菴襄愨長子也嗣忠勇王後多技能善騎射年十四紹爵自以先世起家武功幸際

隆平乃折節讀書比長才猷益裕遂疏請自劾康熙四十四年入覲

聖祖恩遇優渥嘗指以示廷臣曰此閩省黃氏世篤忠貞者也越五載以母病請歸養迨母沒哀毀盡禮逾年竟得

漳州府志

卷之三十二

人物五

十八

三百五十

未疾歷二十一年而薨謚溫簡應纘治家嚴而有法與人無畛域人得一獎語重于金帛之賜然性如施予弗吝賑卹晚耽黃老家言齋居一室簾閣據几凡仙釋地理醫方靡不淹貫或時彈琴賦詩以自樂先應纘未薨之十年

朝命以母弟應綿子仕簡爲後襲爵今任福建水師提督論曰謚法以忠爲尚平和黃氏易名且世世焉亦榮矣哉

君仁臣忠德顯名尊故生則書于太常歿則祭于大烝圭瓚弓矢之錫河山帶礪之盟兼而有之觀黃氏之所以

享有丕祉與

國家之所以褒大貞亮死節之臣忠愛之心有不藹然而
生者乎昔宋蘓軾銘表忠觀云天祚忠孝世有爵邑
先文先武子孫千億又曰匪私于錢惟以勸忠嗚呼
盛矣

附戴

黃

翼

蔡

隆

吳

友

朱

武

陳

驥

前志論曰漳城既陷一時將士殉難長泰戴璘海澄
陳謙梧婿也爲前進士國璵子少補弟子員性豪
邁梧於諸婿中最愛之城將困傾貲佐軍將數百人
守東門伺賊方晏輒開門擊之城陷被執璘爲吏部

漳州府志

卷之三十二

人物五

十九

二百八十七

璵子好走馬擊劍嘗結納勇士甲寅之變白芳度行
收兵得死士數百人故其部曲最強城陷亦被執張
濟者梧姪婿也幼讀書爲平和馬塘人家巨族衆可
七八千人海寇將至或勸之遁曰事迫矣燕巢于幕
逃之入家山庶可免乎濟曰受黃氏恩多矣臨難去
之不可乃俱將兵登陴擊賊城陷被執黃芳名梧胞
姪也幼補弟子員性恬淡無貴倨氣乙卯芳度使掌
北門之管亦被執黃翼黃香梧族也翼性孝同梧納
土歸誠官水師右路總兵因誤失職芳度令守西門
被執九子暨全家殉難香掌火攻屢破賊城陷被執

蔡隆海澄人以軍功陞副將守南門朱武泉人爲隨標遊擊吳友平和人因亂募兵同芳度守禦賊薄城爲炮擊死隆與武俱被執陳驥平和人原任水師左營遊擊因誤失識性好殺所至多殘虐然驍勇善戰守西門城陷被報諸人俱不屈死事聞朝廷各贈蔭有差

許來音

隆迨

隆遠

木巽

元鏜

如汾

許來音字廷聞南靖人順治辛丑進士授深澤令始至請革養遞馬及狐皮諸供民悅之奸徒李學進殺人陷諸生祝昌齡父子來音庭鞫得情自是民不敢欺深澤當

漳州府志

卷之三十二

人物五

二十一

四百〇七個

濱水之衝常苦堤決淹沒乃親爲相視形勢固築防堰水不爲災以考最擢內府中書科旣去澤人祠之側室林氏生子曰隆迨甫三歲而來音歿十二歲生母又沒育于嫡母能孝謹得其歡心林氏者漳浦宗伯士章姪孫女也遭亂家落爲側室于許諸兄流散兄子亦不知所往獨有母老而貧隆迨旣受室迎養終其天年將合窆于外祖之墓訪其孫爲喪主不可得後知有寄養于郭氏曰謀者方拮据爲外祖嗣續計蔡宗伯世遠亦林出也欣然助之貲乃贖謀以歸奉林宗隆迨與人交和藹能諍以歲貢歷任福鼎同安武平訓導居家謹飭鄉

族有爲不善者常懼爲所知卒時年七十三曾孫長治
乾隆戊午科舉人猶子隆遠

隆遠字邇可南靖人少穎慧能文由鄉薦起家縣令擢亡
曹出典蜀試以疾告歸隆遠之未仕也嘗思有濟于人
迨令懷來首先立學以興教化邑有學自隆遠爲令始
惠民渠者邑所資以爲灌溉者也黠者專其利旗民互
爭訟久不決隆遠親履其地爲之相度平分水道周而
均焉卒以無競凡利民者罔弗爲也居鄉亦然漳大水
道殫相望隆遠亟詣當道陳方畧當道夙重之卽盡召
諸富人出資買米爲食于路以食餓者嘗疏導城濠修

漳州府志

卷之三十二

人物五

三十一

四百二十五

築堤堰輒率先捐貲性尤教倫誼能敬宗收族子本巽
壬戌進士宰河內有能聲退老林下亦以溫厚和易稱
族子元鏐

元鏐字季昭南靖人父艷弱冠遊庠受知于巡察陳忠舉
爲鄉督信義感孚鄉人薰而善良有陳仲弓之譽子男
八人咸稟義方之教門內雍雍棣棣藹然若春元鎮元
鍾貢成均元鏐更爲挺出顧年逾五十始舉于鄉又十
四年成進士鄉人齊稱善報而又嗟嘆其得晚也教授
興化因財造就力追先正性溫惠與諸生相愛如家人
其貧者率捐俸給之故其歸也三庠之交錢送爲賦鱣

堂誌是詩弟子如汾乾隆丙辰舉人氣度和藹鄉族稱
善士從孫大才達猷則星相繼登科列仕籍衣冠彬蔚
稱漳南德門云

張 雄 福衍 福永 壽岳 福泉

張雄字受夫南靖人康熙庚戌進士負材略慷慨自命三
藩之亂閩省軍興數載甫定而海寇鄭經復繼擾總督
姚啟聖屯兵漳上聞雄名請計事一見與語大合疏請
留軍前贊畫雄以澄邑初陷賊勢方張先議撫賫書渡
海諭以順逆存亡賊中將卒聞之多欲降者我師出不
意奪江東橋鄭經怒欲殺雄卒義而釋之雄所招降甚

漳州府志

卷之三十二

人物五

二十二

四百三十五

多我師氣百倍自是每戰輒捷戰則必從破寨十九復
海澄鄭經遁歸臺灣少保執雄手曰微先生不及此叙
功加正一品入爲工部都水司主事累陞刑部郎中剔
去常規斷獄多所平反以父老乞假歸時兵燹後賦役
繁苛民至鬻妻子以償或逃之四方雄建議從田間賦
革現當散班舊例供億夫征里班鞭當軍興
值年者破蕩家產請散歸各班及歸宗合
戶同姓合爲一戶小者或三兩
姓爲一戶革去里長代輒等事數十年民間積困一
旦獲蘓脩明倫堂置義塚邦人頌德年八十五卒子福
衍福永福泉福衍有傳○福永字次修由舉人授內鄉
令再補河陽有期親爭產者久不決福永曰以吏法斷

家獄適長爨何益懇懇諭之皆感泣謝邑號難治按其豪右翫法者糾之歲飢計戶分賑給牛種課之耕邑自是不苦饑又相地築渠溉田千餘頃在任五年以老歸子壽岳以文學名康熙辛卯舉人官內閣中書○福泉字貴長康熙乙酉舉人試禮部不遇朱相國軾蔡宗伯世遠屬脩循吏傳慨然慕漢文翁召信民之治民日苟一行作吏當奉以爲式初任元和調長洲繼補雲南寶山捐俸開黑龍洞水利並建義學田租後補河南武平及臨潁皆有聲

福衍字嵎谷年二十領甲子鄉薦戊辰成進士幼喪母每

漳州府志

卷之三十二

人物五

二十二

二百九十八

承祭悲不自勝性好施少時常戲穿銅錢百十置袖中出遇貧困故墜地使拾之有孤寡不能治喪密擲金其戶內不知以爲神賜也獨不肯佞佛初補行人以考最擢刑部主事充纂脩律例館每決獄求生不得則終日意歉明年遷吏部驗封司攝文選考功稽勲三司無廢事以

御試前列陞員外轉郎中

上見而目之曰是福建張福衍耶才品既高辦事更好自以蒙特達之知力圖報稱積勞疾發而卒子壽介副貢生歷官教諭陞國子監學錄調禮部司務充伴送琉球使却

餽金以廉操閩子曰纘府貢生

林琛

紹祖

凝宗

生枝

林琛字解人漳浦人明禮部尚書士章族孫康熙己未進士考授內閣中書丁卯順天同考官以母老乞歸侍養人稱其孝居家二十餘年尊祖收族復祀田修大小宗祠爲鄉邦法族子紹祖

紹祖字衣德士章元孫父友筠早卒母孀守海寇圍漳城城中人至相食紹祖爲門兵執置桶中磨刀切切適鄉人見之奪以出比圍解母子扶携依外祖家數年遍覽經史子集以氣自雄間往山澤採薯芋遇虎叱之虎逸

漳州府志

卷之三十二

人物五

二十四

二百九十六

康熙丁丑成進士謁選得長沙醴陵令邑有重案株連不能定紹祖到任微服徒步二百餘里訪得實爰書以成明經何氏兄弟互控請託千金却不受以至情感悟之醴河多灘有孫商者舟失勢水死親檢遺貨計八千餘金馳其家人領取用人參數觔爲謝却不受案盜謬攀枉動以至誠卽愧服上官廉其能調寶慶新寧爲楚粵邊邑猺苗雜處素號難治蒞任月餘猺苗向化如在醴陵時內擢吏部考功司主事甫五日除副郎母大宜人郵書曰兒深荷

主恩宜圖報稱勿遽作歸計紹祖奉書而泣不數日推陞臺

垣而母訃至遂匍匐歸家居累載一日召其孫凝秀凝
崇諭曰吾今年八十有四全受全歸順事也爲我告列
祖吾將逝矣凝秀如命以復遂點頭閉眼端坐而終子
澧孝友性成凝崇雍正元年登鄉薦出宰高明令能其
職族子生枝

生枝字桂一乾隆戊午科以五經舉于鄉性溫淳潛心典
籍居梅山之陽負笈者踵相接所得脩脯供甘旨外分
諸昆弟之貧者弟婦孀居無出立弟之子嗣焉月給薪
米皆手營營居黨中恂恂然遇有忿爭必和婉勸解族
感其愿慤化之八上公車垂橐歸毫無愠色授江西崇

漳州府志

卷之三十二

人物五

二十五

四百〇二个

義令寬嚴得宜民德之甫八月郡守知其廉明欲特薦
而解組歸矣於其卒也人皆惜之

周祖詒

祖篤

夢益

曾恕

周祖詒字禾仲海澄人康熙庚午副榜性剛介爲行篤自
信而不牽于衆閩南俗尚鬼祀土木偶中堂雖士夫猶
然祖詒見之蹙然曰家非叢祠何乃聽巫覡不經之爲
司教連江諭學胥曰諸生有素衣冠而被酒醉容者卽
執之勿失連江人翕然稱之曰教士有方所居海濱值
兵燹後經生家祇究心帖括揣摩風氣爲弋取科名計
祖詒弗善也發憤討究諸經旁及子史思引後進爲有

本之學然而從之者寡矣弟祖篤

祖篤字又禾由拔貢生登康熙壬午舉人志恬退未嘗名于時與兄祖詒閉戶潛修不忍自溺于詞章其文行亦相伯仲也居家孝友雍睦閭里儀之官其邑者嘆曰經師人師也禮聘爲山長風晨月夕輒聚生徒披古典籍講明切究諄諄然以前修相敦勗惜年未五十先祖詒歿祖詒有子曰夢益能稽古稱名孝廉而祖篤子曾恕亦以文學拔萃肖其父云

曾恕字源敬生有異稟六歲就塾日記萬言父嘗授史記封禪書一夕背誦如流壯承家學爲諸生師講貫經書

漳州府志

卷之三十二

人物五

二十六

二百九十七

自辰至酉隨叩隨答不停口士聞風靡至守素邱園足不輕踰戶外授經少暇在母側未嘗刻離與人交下氣柔聲粥粥若無能者然而剛方內含一塵不滓乾隆辛酉拔貢是秋舉于鄉就銓部改教職愈以成就後學爲己任未幾卒周氏自匡物始顯于唐歷宋明不乏聞人至忠愍而勲猷風節大著祖詒兩世積學殖行位不配德士論惜之

李長茂

夢虬

五福

五達

五惇

李長茂字齡侯兄曰夢虬字瑞海海澄人少孤苦值海氛流離播遷相依倚迨亂定拮据生業家稍稍立更友愛

不忍分異兄弟嘗引領望長嶼泫然曰吾祖環聚于斯數百年矣曩者田園廬舍鞠爲荒草今克究安宅忍使族無鳩乎因相與建宗祠置祀田立義塾率子姓以時修歲事興文會復捐貲居積婚喪老疾倉卒中無或有稱貸之艱一族賴之初鄭氏之亂僞伯陳某驍勇爲寇所倚重海澄公黃梧使人招之降不果語人曰使李君要我吾更何求梧乃屬夢虬夢虬諭陳果歸欸夢虬長身脩髯性敦朴爲人所推重長茂則懇摯冲和不事矯飾居家有節度著家訓家規十法以相勉十戒以相懲故門內食指盈千同居且四世恂恂雍雍然罔或有間

漳州府志

【卷之三十二

人物五

二十七

四百三十二

言也子五福以甲第起家五達五惇咸膺薦

五福字皆之康熙己丑進士官西曹每定讞獄將畫諾率遲留再三同列或笑之曰何懦耶則曰吾才拙况獄無小其庸可苟乎性廉介不樂與貴遊交四載竟致仕歸長官弗能止也著有家訓廣義十二卷初父沒五福昆弟八人懼其合而分分而不克復合因托諸歌咏自爲百韻詩述先德詔子孫雖殘刻乖戾者讀之油然也顧家務特特大綱出入要會悉授其權于五達

五達字幼兼惇行孝弟言笑不苟居父喪寢柩旁三年母失明昕夕待膝下奉盤匱酒漿潔而進之必謹暇則述

歡樂事或時作嬰兒笑語以娛親心故母雖偃偃焉無見而常忘其所苦當是時五達承父兄命總家政公誠所積合昆弟娣姒子姓下暨僮僕百口如一氣雍正元年

詔舉孝廉方正之士大吏以五達應郡縣催上道五達喟然歎曰兄弟守官母氏喪明今欲使我舍親求名則已不孝忘親求祿亦復不廉

上安所用我哉疾走會城投牒乞終養大吏咸歎息代爲陳情遂得

請後三年丁母艱服闋復檄赴京而五達率引疾不出逮兄

漳州府志

卷之三十二

人物五

二十八

二百八十九

五福亡居常悒悒弟五惇逝益無聊越一年亦卒子六言以歲貢司訓延平敦行篤學鄉人稱克家

五惇字秩夫弱寇遊庠序屢困舉場以薦授縣令歷州牧而歸性寬綽不屑屑而遇事曲有條理旣人仕殫心爲民務得其安方令永州時劇盜胡天相數出沒爲邑患前令購之弗獲也五惇至豫戒吏卒偵其巢乘其不覺徒步往賊黨適聚飲爲酣樂卒見令方驚駭而吏卒奔至遂悉就擒論如法聞旅肆多買苗妓銜惑過客五惇微服僞爲投宿者故索妓主不疑出之則曰豈姣哉主更出之如是者三悉得奸狀翼日遣吏搜之逐出境市

鎮聞風咸惴惴丁艱歸服闋補崇陽賑饑興學以循聲著階尋甸州牧調祁州失上官歡慙然曰吾仲氏奉詔不以升斗易山林之趣吾年近七十尚何戀戀爲卽移疾乞休五惇爲令修養老引年之政令什保舉耆德時延見詢風俗利害歲終則治酒會民而正齒位焉立教先明倫輯儒先言行爲牖民集故于其去也邑父老哀其治行梓之誌不諠噫是足以知五惇矣

黃可潤

可澧

可泰

寬

黃可潤字澤夫龍溪之壺嶼人也曾大父恢甲大父叔孕父文揚自文揚以上三世皆能篤本行以孝謹聞於鄉

漳州府志

卷之三十二

人物五

一二十九

四百二十二字

恢甲有陰德時海多劇寇與族人避居山堡忽一夕倉皇携家遁族人空一堡隨之素稔其善籌事必有徵也翼晨寇果大至他堡不去者無噍類鎮帥奇其材數問捍寇之策寇嗾焉伏於途執以去索贖金淑孕年十四號泣叩賊壘請代賊憐俱釋之文揚爲人純厚行三家貧父母老伯兄病足李弱甚乃與仲兄居肆廈門月更迭歸省致甘鮮未幾仲兄邁疾疾殆奔歸視未至家得凶問長號不能以步季嘗渡海忽颶風起覓舟往赴之舟子力拒情急自操小舟排浪往風亦漸息中流兩船相值喜極涕出聞者嘆曰嗟乎此眞兄弟也父歿未得

吉徬徨寢柩旁比塋乃已母年將百歲文揚年亦七十矣白首婉孌母側如孺子累代順德識者占其家之方大也可潤乾隆戊午舉京兆己未成進士初以薦試令滿城授無極調大城丁外艱起補宣化前後在畿輔二十載所至延問耆老必悉其利病閉戶極思廢置所宜次第張施如萎膏潤暵民無不抃喜歌呼具敏識通才方事之殷參錯紛糾他人對之惛惛可潤獨心開又清謹無瑕疵可摘遇大賑大疫制府必以委可潤築宣化城周三十里北方土䟽工人粗莽乃召南匠用其心巧而佐之以北匠強力工峻堅緻完固屹屹言言雄鎮塞

漳州府志

卷之三十二

人物五

三十一

四百三十七

報可築壩注水灌良田萬頃復導水繞易州城城益壯河成

上賜名曰安河天心悅豫形之歌詩二事皆人所縮手自可

潤成之庀事程功不愆于素政治稍暇稽文獻葺前賢祠聘名師育英秀凡建四書院在無極曰濱川在宣化曰柳川在易州曰源泉曰陵雲師生餼修自割俸購田充之或勸民耕廢地收其租諸凡創建躬自爲□□其

實俾有稽於後自惟先世令德樹基祖父承之滋培悠
裕及身幸光顯爰置壺嶼初祖祀田費千金次及小宗
友愛郡從大功共財有無相資晚歲服官於外念諸昆
睽隔作詩曰風雨連床人欲老林塘入夢志難酌藹然
可誦乾隆二十八年遷知湖北黃州府改知河閒府以
積勞致疾卒於官年五十有七所著無極縣志宣化府
志口北三廳志畿輔見聞錄詩古今文若干卷兄弟七
人皆能自強可潤居長次可灃次可泰可灃字振夫太
學生爲人質重寡言望而知其無他心可潤爲諸生刻
苦讀書可灃能艱勤息業以贍其家賈吳門兄之友往

漳州府志

卷之三十二

人物五

三十一

四百三十八

來京師道經吳有綏急往商多賴其力友之友亦然買
地鳳凰山塋鄉人旅殯無歸者至二百餘櫬滋圃莊有
恭撫吳聞而義之卒年四十有五可泰太學生以三禮
館授職主簿援例授粵東德慶州牧德慶地瘠糧累多
逋戶下車悉爲墊解出示與更始以招徠之值旱荒捐
俸賑粥分局平糶其冬有秋勸民行社倉法量地遠近
建廩貯穀能者司之躬爲文勒之石故相國陳榕門宏
謀時爲制府嘉之曰仁人用心循吏作用當如是矣調
崖州牧未任卒可泰才識亞其長兄築宣化城毗助之
力爲多居鄉倡作陡門使潮水不得滲入溪流以妨田

稼既歿鄉人思之年四下六從弟寬有傳

寬字濟夫可潤之同祖弟也父文煥生有至性七歲就外塾歸日已午母氏方績不設滄密以手拊竈竈冷不敢問仍之塾恐傷母心也年十八辭二親往販外國方出門時母以小塊石纏裹緘線手授之緘線盡而石不忍棄藏篋中每思親則啟視淚下歸娶婦孝養膳飲皆手進凡所有畢以奉二親與弟文揚交相愛無間寬其長子也好湛思下筆峻潔拔俗從兄可潤名噪膠庠顧遜讓以爲弗如辛酉舉于鄉戊辰成進士授崇義令修學校教民孝弟商人饋金曰舊規也却不受邑產巨竹吏

漳州府志

卷之三十二

人物五

三十二

四百三十二

持上官符歲徵竹仍索費累民禁勿予太守重其治行薦之大府以治官書過勞成疾請假歸邑有鄴山書院爲故明黃石齋先生講學地有司敦請爲書院師學子負笈踵至山久荒初葑濯如赭至是各建書舍連楹對宇間以松竹綠蔭被山夜靜燈光交射書聲互答當石齋倡道時茲山戶內屢滿私自喜前脩風流未遠乃嚴立課程勤誘導陶冶淬磨一時人士振奮發海內知交貽書勸出山皆不答閉戶戢影有司不得見其面者二十年師範彌尊後生晚出皆知探經義勵名節之爲正學寬之教也可潤既歿喪祭大事與夫家政族務羣

從皆稟寬裁決條理犁然真意孚浹能使尊卑長幼皆敬且愛焉無後言先是塋父東林山及母卒卜宅與父墓相望中爲母壙自壙于其左約與季弟偕藏而壙于其右以附室人娣姒慨然曰百歲之後吾兄弟家人瞻父依母魂魄妥可知矣福田之說願後人勿惑也諸子奉遺命塋焉漳土大夫偕門徒奉主祀於鄴山志不忘詩古今文若干卷

論曰宋龍溪黃彥臣傳家敦厚子孫相繼列官於朝稱名門高閥今可潤兄弟亦龍溪人觀其祖父累葉孝友因心篤慶豈其宗耶何後先相似耶

漳州府志

卷之三十二

人物五

三十三

二百七十五

陳常夏 唐朝彝 陳天達 莊亨陽 楊大鴻
王 材 謝天祿

陳常夏字長賓龍溪人家貧授徒爲業嘗閉戶潛思留心墳典順治辛卯領鄉薦計偕後詣軍門獻安漳十策辛丑登進士第一歸築數椽於江干日與所善故人講學其中或以詩歌相往來或時刺小艇過鄴山長吟而去

已乃入武夷歷支硎上天闕登黃山覓鼎湖靈蹤興盡而歸未幾奉有米脂之命辭不赴曰吾自度不能救世虛糜斗粟吾愧焉因日守江園中漁樵相過問不厭也顧常夏雖放逸然每聞世事是非民生休戚恆悵悵不能置時海寇未平軍旅繹絡供輸繁興民苦追呼常夏乃言于有司行自徵法及請寬屯戶民始得躬完糧額而公事亦不悞又作書痛陳地方情弊娓娓數千言惜當事者不能用也嘗買一婢其父臨別甚悲邛之故曰吾翁也夫不幸罹於賊父許翁賣我以贖夫翁憐我故悲耳常夏厚予其值而還其女葬舊時師友六七墳復

漳州府志

卷之三十二

人物五

三十四

四百〇一

建義塚資窮民之不能葬者貧而力於善鄉人稱之所著有江園集十四卷學者稱爲鍊山先生

前志論曰常夏當爲諸生時鬱勃蹇蹇恢恢有大志王師初臨挺然獻策蓋狂士也旣而獵名天衢米脂辭命舒嘯江干與鷗鷺爲群又豈別有狷性哉其軫念民艱啟迪士志隱然有范文正先憂後樂之意抑又遠矣

唐朝彝字偕藻漳浦鎮海人少而孤家故貧也不言利康熙丁未成進士選庶常歷補御史掌河南道稽察大計悉却諸常規奉 詔祭告所過無敢餽問者旣而補通

政歷位鄉署人以爲榮也朝彝淡然居常乏錢持杯斝問質人以爲病也朝彝晏然當爲御史時或頗疑其不言答曰人好立名譽意氣凌人使人莫敢抗因以爲利也吾柰何以訐爲直久之補宗人府丞故事九府中皆丞主之案牘悉清書漢官多不盡曉朝彝乃晨召諸筆帖式詣堂筆帖式抱案牘進持紙尾請署朝彝悉披閱翻駁皆中窾府中憚之未幾告歸通籍三十載不能成一室數椽自蔽而已所著有先後天掛圖說

前志論曰退之先生作諍臣論世多以此誚朝彝朝彝輒自謝今讀其烏臺疏草亦嘗阻張仲舉阻盧崇

漳州府志

卷之三十二

人物五

三十五

四百二十二

興糾貴撫馬世濟及請杜官吏侵漁害民之弊非全不言者要其持身清素皜然不浼其介不可及矣

陳天達字可行漳浦人康熙庚戌進士少孤寡甚歲授徒自給爲弟妹婚嫁費登第時年五十九矣猶兄弟同居甲寅之變携家入山與弟子講說經義海寇張甚脅之仕不應幾得禍會有爲之解者乃免丁巳海疆恢復總督姚公啟聖同年友也將疏薦于

朝天達以老病固辭乃止日與親友子弟講學課文年九十猶手不釋卷與人交推誠相與一無所飾至非禮相干勃然不可犯親知顯貴不輕問饋非公事未嘗一至

郡縣其高伉如北卒年九十有二祀鄉賢

莊亨陽字元仲一字復齋南靖之龜洋鄉人也性坦易剛方而有曠度于細務若不屑屑經意至任難肩鉅株交藟繞則致其勤艱往往心畫手指口瘖音曉猶兀兀不止古所謂劬躬盡瘁無恆安處者非正直之君子不能矣康熙辛卯舉於鄉戊戌成進士出宰山東濰縣母就養卒於逆旅喪歸守墓三年自是不忍一日離其父父既歿授徒講誦若將終焉乾隆元年江陰楊大宗伯名時掌成均拜疏薦士七人首亨陽有司趣之行至都授國子助教六堂之士少有祈向者多願爲弟子遷吏部

漳州府志

卷之三十二

人物五

三二十六

四百二十三

主事每執牘與長官爭可否或齟齬侃侃無懼色六年有薦其學行宜居言路引見

上意甚相屬越日命赴湖廣以同知用十一月由德安府同知擢知江南徐州府又二年遷分巡淮海道其守徐州也值河淮交漲仍歲水災

上特遣閣部大臣率同治河官諮度形勢務得要領爲長久計亨陽乃博詢耆民躬親視川澤悉其利病爲書陳之當路者七自爲說者二大要以淮徐水患已甚其病在壅壅毛城舖而徐州壞壅天然減水壩而鳳潁洒壞壅車邏昭關等壩而淮楊之上下河皆壞方今急務在開

毛城鋪以注洪澤湖則徐州之患息開天然壩以注高寶諸湖則上江之患息開三壩以注興鹽之澤則高寶之患息開范公堤而注之海則興鹽泰諸州縣之患息矣時視河皆中朝名公卿未及措注而石林決沛縣城將潰民爭竄逃立起駕輕舸行告父老太守來與汝民同難汝民何之親率衆堵築七日夜城完其巡淮海也海州有鹽河蓄水通商運障塞海口雖異漲非徧告大府監司不敢開及文書畢下而田苗沉沒者已無救矣乃躬陳制府自今後遇水漲守土吏先開洩而後報聞百餘年積患一旦免其皇皇拯民于難若病之在身然嘗

漳州府志

卷之三十二

人物五

三十七

四百二十九

對上官僚屬自責恨荷

聖天子不次拔擢而災患乃數十年未有心殫力困終不能救斯民饑溺嘗聞古循吏精誠能反風滅火每見饑羸遺黎中心愧畏言已則涕下聞者爲之蹙額以積勞視灾核賑回署舊病作遂卒卒之朝尚強起視事也僚佐入視敝衾蓋體笥無新衣莫不哀悼士民啼號交相吊有吏跪柩前慟哭失聲猶不起衆問其故此吏頗恭謹曉事侍左右親見其揮淚作上當路書披郤導窾爲民請命銜感之深不能自已也卒年六十一素湛心性理書好獎誘後進訢訢如也意所不可則怫然見於面詩

古文詞雅健清剛如其人有秋水堂集若干卷又從李文貞相國講學旁涉九章著有算法書及河防書藏于家子脩有志操扶喪歸僚友致賻遇無可取者必却之或勸之受瞿然曰君子不家于喪吾何忍傷吾父之廉論曰人無所不至惟天不容僞入

國朝來漳之宦而達者多矣其賢聲熟士大夫之口者文勤世遠副使亨陽繼之雖婦人女子猶然以是嘆誠之不可揜也桐城方學士苞志其墓曰以副使之孝而恨於母者終其身以副使之仁而民之顛連與其牧民者相終始不可謂非命之窮矣然抱痛於母而

漳州府志

卷之三十二

人物五

三十八

四百一十九

孝乃無虧於父急民之病勤事以死而無負于

君凡副使之生不忤于人死不愧于天者實由于此豈非易所謂益之用凶事者耶嗚呼知言哉族人莊志壘字企思博覽群籍以孝友聞遇窮乏常調恤之亨陽少許可獨善企思卒年七十有八

楊大鴻字儀亭詔安人也家清貧稽經諷史爲同輩所推宗伯蔡世遠嘗語人曰吾郡名士能卓然自立者惟儀亭足以當之雍正己酉領鄉薦癸丑成進士改授山西寧鄉縣事時母老八旬餘蒞任數月以歸養請限於例願改教旣得請一子一僕相隨出署父老餞送之者多

涕出稱使君孝歸爲會城教授迎母就養列憲重其行制府德沛親到書院講學誨諸生曰楊掌教論易有會心爾曹當師事之母年九十餘間寢視膳雖清苦相對愉愉如也有弟好遊侵官錢計無出大鴻餘薄田五畝變價以償後又爲置產娶婦丁內艱服闋補延平教授旋告病歸日在床褥猶觀書家人慮其煩曰余樂此不疲勝於服參苓也生平著作頗多散逸不傳僅有制義數篇載東江文砥中

王材字少樑龍溪人登雍正丁未進士官工部虞衡司主事以忤長官意告歸構別業于鄉之凌雲巖日與諸生

漳州府志

卷之三十二

人物五

三十九

四百二十四

講貫其中雖藜藿不充蕭然常有以自樂性篤孝嗜義家無擔石儲率自力衣食以奉親之餘殯葬諸父泊業師父子二柩而修其祀初上公車時與友人偕行友人卧病京邸日久氣息不可近材爲之求醫復爲之洗滌惡臭匝月不懈比卒守尸側手含殮復經紀其喪以歸友人子落魄卹教之求索屢屢罔或靳郡東白雲巖朱子解經之所鄴山黃道周講學處也歲久跡漸湮材帥衆新之且邀同志築精舍于旁以時絃誦焉宅心惟一遇事圖終于始而成之以信凡遇凶歲賑饑及邦有興造巨役鄉大夫率敦請綱紀其要毅然任焉藏事無倦

容亦無德色居平教孫子嚴而與人甚恕雖爲有司敬禮未嘗于以私故以一身維名教以齒德重家邦者殆五十年年近耄行不曳杖貌魁傑長眉高顙隆然岳立雖市井里巷五尺之童望見者莫不肅然動容曰彼鬚髮皤皤是所稱有道君子王先生者非耶卒時八十有八歲

謝天祿字百和乾隆壬戌進士家貧年十五授蒙自給十
七人庠旋食餼門徒日盛時士習披猖隨風靡靡不能
自立天祿獨砥礪廉隅凜凜乎若寒冰百尺不可得近
教人以品行爲先文藝爲末同學或有過失不少假以

漳州府志

卷之三十二

人物五

四十

四百零五

詞色必再三請改而後止故吾漳論學行之介然有立
者必歸焉其師範之尊如此于義利之界辨之極嚴漳
富商大賈慕其行誼不惜揮金延請爲師意所不屑去
之如浼宗人以事羈于官官知天祿清貧欲爲之德微
示其意宗人以千金丐一言岸然不屑也足跡不履公
門邑有公事有司遣吏持謁至叩首階前却步立蓋持
身以正雖下輩亦知敬憚如此

論曰夫子繫易坤六二其傳曰直以方也然則臣道
之所貴可知矣自陳常夏至謝天祿其人具有本末
雖出處隱顯不同而敦廉隅厲節操招之不來麾之

不去使得志于時其爲不二心之臣則一也公孫宏以經術致位三公淮南王易之至比之發蒙振落獨憚汲黯不可惑以非義秉國鈞者尚于大易坤貞之旨三致意焉

陳聖道 黃性震 阮文 藍鼎元 陳夢林

黃士傑 士俊

陳聖道字次伯海澄人少卓犖有大志讀書期實用不屑屑于章句爲文章下筆頃刻數千言

國初懷才蘊竒之士咸思自奮康熙十六年耿逆叛 康

親王入閩戡亂收羅英俊聖道因獻策軍前王異之邵

漳州府志

卷之三十二

人物五

四十一

二百八十四

武西山寇聚數萬爲民患議征勦者紛然聖道獨曰彼可說而降也當事度可往招撫者無逾聖道卽遣之行聖道乃單騎赴賊壘爲陳逆順勸之降賊許之忽中變執而械之累月賊衆有舊識者指間道使逸聖道嘆曰吾何逸爲吾冒死入虎口爲生靈計耳若不降心相從生靈俱茶炭吾何惜一死賊黨聞咸感動卒回心歸順當事欲疏薦諸

朝以鄉邑未寧辭生平剛方正直邦族賴之居撫君幕中數年呼噏聲生勢長終不改邱園之素後以贊復諸島功授左都督軍功一等著作甚富然多不付梓其行于

世者僅有橐底稿懷恩堂草數卷

黃性震字起元漳浦人倜儻不凡遭四方伏莽困屯無用
遇時鄭氏三世竊踞海上勢甚蟠結閩督姚啓聖入漳
州與群有司籌平定之策性震聞而慨然曰是男兒立
功之秋也仗劍謁軍門陳十便啓聖奇之與語大悅數
進見談機密乃立修來館縱反間計卒披散其心腹羽
翼以迅掃海島而紓

朝廷四十年宵旰之憂叙軍功授霸昌道性震荷殊遇彌
自奮益張其職五年而擢陞湖南布政使長沙郡河挾
湘江直下勢洶湧商艘難倚泊以爲患性震曰水勢合

漳州府志

卷之三十二

人物五

四十二

二百九十九

則急分則緩于上流別開一河以紓其暴商人至今利
賴焉武昌夏逢龍作亂猝陷四郡報至廷臣深以爲慮
上曰有黃性震在無虞也未幾賊果平會有疾乞休己卯
朝議築永定河而難其人

上知性震才卽于家起之命董大役河流湍急堤易潰難合
性震覓閩南善水者數百人裸身泅水中築椿藉以覆
土復建旗施砲爲工匠耳目靈其呼應躬屹立河干課
督之不四月而工竣

上嘉其績陞太常寺卿卒年六十五初告歸林下漳浦一邑
壇廟城池堤堰罔弗修也文士科舉計偕之資罔弗任

也于其族尤加意立大小宗建義塾窮婺孤子皆有餼
洵可謂好行其德者矣

阮文字子章漳浦人偉軀幹鰲面闊口好劇談大笑鬚眉
奕奕然動父曰魁僑寓新喻因登江西庚午鄉薦數上
春官不第抱經世畧所過城邑山川邱陵險阻常登望
形勢以故得知南北阨塞海道夷險及諸東南夷利弊
了了胸臆中康熙壬辰御史陳汝咸請招撫海賊陳尙
義薦文與俱峩冠博帶承命以行既登舟颶風作浪飛
檣折一舟人色如土文獨晏然踪跡至盡山花鳥間登
賊舸說尚義尚義雖遣人乞降意中變欲劫文去文北

漳州府志

卷之三十二

人物五

四十三

四百一十字

面拜

朝廷南望拜父母賊爲心動因復開示威信陳利害情慷
慨賊憚文丰裁又感其披布心腹無疑慮遂招其黨百
餘人咸歸京師議功選雲南陸涼州牧未行李相國光
地稱其猷略改福建廈門水師叅將明年調臺灣念境
土初經寇亂比路淡水關全臺要害思一再巡其地部
曲爭以水土毒惡諫弗聽逕往馬上揮鞭吟咏詳紀道
里山溪風土爲文祭戍亡諸將士召諸番反覆講忠孝
大義而歸竟以中瘴病瘡陞福州副將赴京卒於道文
生平舉措悉出於正而踪跡英邁奇特人莫測其變化

始康熙庚寅歲漳泉諸郡大饑

詔截江浙漕米由海道入閩接濟文已說所善定海大帥吳郡運五萬石揚篷先至民困頓舒有

詔嘉美吳郡而實文爲之籌畫人莫知也子道泰以孝稱早卒有傳

藍鼎元字玉霖漳浦人懷才不羈通經史達治體語經濟文章嚶嚶然輒以振古人豪自命時人莫之許也受知于閩督學使沈涵凡九試于鄉皆不遇雍正元年

詔舉文行兼優之士貢成均分修一統志遂知名朱相國薦其才引

漳州府志

卷之三十二

人物五

四十四

二百八十九

見故事先試吏部皆畏縮逡巡懼隕越鼎元獨奮筆上五千言奏陳六事

上嘉納之授廣東普寧令且曰以彼其才任道府綽乎有餘也普寧界潮陽揭陽之間故多盜險健傾側之徒往往鼓唇舌回惑平民或爭雀角速訟獄視狴犴如衽席鼎元自以得尺寸柄思一展其素抱下車嚴爲懲創復興學校課經術崇正教變澆風顧以持身靳靳失監司歡掛彈章潮郡士庶咸咨嗟太息各斂金代輸其所坐官逋七于百兩有奇乃得出于獄鼎元才望素著太守聘修郡志書成將告歸而閩粵二制府爭延致爲上賓遂

復薦用擢知廣州府抵任纔匝月而卒初鼎元年十七常泛舟觀廈門周覽全閩島嶼抵舟山沿南澳海門而還臨風長嘯人莫喻其意迨臺灣辛丑之亂族兄廷珍統師往征鼎元在幕戎馬風濤中軍興旁午諸露布文檄操楮筆立書頃刻輒數千百言皆中機宜亂定分功罪撫瘡痍經理善後長久計悉得其領要廷珍倚如左右手爲文章雄快警闢長于議論有眉山父子風著書凡七種

陳夢林字少林漳浦人父聿毅遭亂轉徙潮州生夢林二歲而母卒鞠于澗人僑居于潮者曰林雄養且教以至

漳州府志

卷之三十二

人物五

四十五

四百十二

成人因自名曰夢林少發憤誦讀至深夜年漸長留心經濟習兵事康熙丁巳粵東亂初定嘗在兵間出入矢石無所怖丙寅游黔中傳客諸生間或勸以黔籍應學使者試拔第一黔州牧黃虞菴奇其才爲援例入大學勸歸閩時年三十有一矣無何四明陳汝咸令漳浦會諸生講經心賞夢林又受知于學使者汪薇沈涵及大府張清恪伯行辛卯黃虞菴相繼撫閩招入署會海盜鄭盡心爲官軍所追南奔

詔捕之急撫軍懸千金購能獲盡心者方書榜夢林前曰賊不能獲也撫軍愕然曰云何夢林曰逋盜入內地平民

誰識者卽能識疇不懼後禍當購賊黨相擒予重賞其可撫軍如言盡心果爲其黨高允泮擒以獻先是夢林養父林雄卒于粵其長子一新在浙一新卒遺子聖祥夢林自閩往視者數矣至是念已日就衰斥田園得百餘金自携以昇聖祥渡曹娥江訪故令汝咸之子於四明過淞哭故學使沈涵於歸安乃由吳淞江渡海南歸所過洋面相度形勢初康熙丙申當路聘夢林修臺灣諸羅縣志博覽周諮于島嶼汙港之出入險易戰艦民船之大小堅脆洞若觀火辛丑夏朱一貴倡亂戕鎮將陷郡縣遽至夢林方遊南澳訪總戎藍廷珍總戎問策

漳州府志

卷之三十二

人物五

四十六

四百三十九

夢林爲上記制府滿保請速移節彈壓廈門調兵餉當瓦解記上而制府已先發時提督施世驃總戎藍廷珍議統舟師定南北中三路進取夢林力陳南路海道險惡舟不能泊當會澎湖相風便分兩路大將由中入鹿耳門副將由北趨西港繞賊背後計萬全又陳戰艦宜用輕捷以便操駛制府用其言臺灣平旋聘入幕爲治裝前席請曰生爲我一行事定當不失郡守笑曰杼一得冀護鄉里耳無他願也遂行至則與帥將規畫事機不可失者搜餘黨招反側拊善良時守令未至事皆決于幕府告密者衆持重不發民情安輯留臺五閱月還

報制府欲敘功以實前言夢林固辭而歸遂絕口不言
臺事方辛卯讀書鰲峰同考官慕其文欲爲地峻拒之
世宗卽位詔舉孝廉當事欲以夢林應固謝而止所善蔡文
勤世遠官少宗伯黎抑堂致遠官少司寇沈端恪近思
官少宰皆聚于京師以書問邀遊長安俱以足疾辭不
赴丙辰撫單檄薦鴻博亦不赴是時年七十有三矣於
是夢林乃言曰吾少孤苦涉獵書傳作文字求科第而
已旣不可得傭筆墨從軍草檄奏記謬爲世所賞吾慙
焉辱交諸君子強自刻厲爲貧故間受禮餽常以爲媿
顧自反生平借箸運籌孟子所云無欲害人之心者或

漳州府志

卷之三十二

人物五

四十七

四百三十二

庶幾焉第居賤志不行未能充之耳若利己妨人馳聲
華借權貴以榮身飽家寧轉死溝壑不忍爲也所居屢
遷額曰他齋人稱爲他齋先生蔡文勤家居時入邑必
宿他齋以兩碟齋共噉粥同榻被縱談竟夕外惟阮子
章莊亨陽稱同志晚尤善雷翠庭鋹疾革遺命以志銘
屬莊氏以傳屬雷氏年七十有六著書凡五種詳藝文
論曰漳多奇男子若阮子章藍玉霖陳夢林其人皆
見于二希堂集中真魁偉倜儻非常之彥哉子章玉
霖雖困抑有司能以圭璋特達之品荷

聖主殊知疊膺寵擢天靳其年未竟厥施夢林才氣無雙

其祈向端禋身亦潔僅以大學生老死牖下終其身
足跡未嘗入長安國門然名公巨卿樂爲推轂老參
戎幕爲功桑梓能已表見古所謂足乎已無待於外
者斯其人耶詩歌沉雄蒼鬱入少陵之室顧少陵官
侍從而夢林終老布衣少陵承嚴公表授員外夢林
見收滿大中丞知而不能薦尤可慨也

黃士傑字子長長泰人有至性父客死武昌士傑年尙少
聞訃悲呼如成人迨年十四請于母奔赴喪所數千里
扶柩歸人異之時母孀苦特甚士傑念鬱鬱居此非能
有爲者父故人宦關中可就而圖也乃偕弟士俊歷吳

漳州府志

卷之三十二

人物五

四十八

四百二十一

越度晉豫間關入秦父友方主捐例一見奇其才任以
事煩劇悉辨父友爲援例得職選牧馬龍州州無城士
傑曰茲地衝要非城郭何以禦暴保民或言土堦易圯
曰是人事未修耳乃親計丈數揣高卑度厚薄先築椿
實之後砌以石刻期而竣遂除守東川府城表有河每
伏秋漲發害民居士傑勤加疏鑿導歸金沙江水患永
息烏蒙山寇竊發率衆親搗其穴開誠招撫民賴以椿
進督糧道擢廣西按察使入都赴

召旋得疾卒方士傑之扶柩歸也僑居海澄邑令有客游
行城外見士傑不凡與談曰子閩人何以習比方語告

以故且述返樞狀客憐之指城東佳兆並示葬法厥後
貴顯人皆詫爲地靈所致云士俊字眉友援例得州同
職隨經略鄂爾泰征獯有功改遊擊歷官浙江黃巖鎮
總兵官

論曰太史遷云富貴而名磨滅不可勝旣惟倜儻非
常之人稱焉所謂非常才氣胆識四者缺一不可矣
雖然有命存焉阮文藍鼎元陳夢林其才略豈下于
二黃而或功建名立或跌前憲後要以不疚利不怵
害投險置鉅而處之裕如此無他故彼其才氣胆識
有以勝之也

漳州府志

卷之三十二

人物五

四十九

三百五八

朱王造 藍銘璽 康元侯 黃 相 鄭宗煥

賴 陞 張 瓊 許 雲 游崇功 李茂吉

林 芳 張 養 唐達先

朱玉造字士矯順治丙戌年例貢仕至廣西永寧州牧吳
逆亂逆黨迫王造降義不屈合家被繫三年死獄中

藍銘璽字玉書漳浦人冲雅有志節家貧依族兄于粵之
普寧因家焉登順治辛卯科郝尙久之叛聞其名使人
招之銘璽曰吾往是從亂也奚可哉其人曰非也將以
復明耳銘璽曰吾

天朝舉人不知其他固強之弗赴集鄉壯守東山寨郝以兵攻

之寨破死焉闔門皆遇害惟一子在外得免

庚元侯字錫公龍溪諸生順治壬辰海寇剽掠入許江元侯督里人連艦拒之殊死戰賊垂却而他舟動賊乘隙遽登樓從元侯後劓其背遂歿族黨同死者十餘人黃相龍溪人少讀書好擊劍談兵以獻策功授廣東副將奉檄討高明壠泔賊率衆搗穴深入賊寨爲所執不屈死

鄭宗煥龍溪武生以戰功官遊擊從大帥守城籌畫多中賊恨之搜獲其母與兄至城下令諭降母大呼曰願吾兒勉爲忠臣吾死無憾矣宗煥臨陣對母與兄涕泣指漳州府志

卷之三十二

人物五

五十

二百九十九

天誓不二賊怒立鬻其兄而囚其母城陷被執賊愛其勇欲生之宗煥不屈噴血罵賊賊械送臺灣赴海死賴陞字晉侯嫻韜畧隨黃梧納土于

朝遂爲海澄公左右翼後以攻復閩安廈門諸島功授叅將練士選鋒勦殺僞將李正僞將軍吳田等敘功加等協守海澄海寇圍城固守五閱月糧盡城陷抗節而死張瓊平和之新安里人也被服儒者中裕猷畧當海寇圍漳時爲思勇王黃芳度守南門時出偏師搏戰甚力已而城破被執罵不絕聲或勸少忍瞋目視曰吾豈以貪生易吾初志哉遂死之

賜葬金三百兩廕子衛千總

許雲字復旦海澄人臺灣水師副將朱一貴亂南路陷于冠雲率兵五百赴授鎮帥歐陽凱于春牛埔迎賊雲揮巨刃躍馬當先子方度與僕吳國珍擁盾格殺大敗之次日賊衆數萬俱集凱被殺雲衝突血戰刃數百人黎明至日中矢窮砲盡身被數十創墮馬持短兵接戰猶手刃數十賊勢孤無援左手被斫乃厲聲曰生不能殺盡逆奴死必爲厲鬼以殲汝賊怒剮其屍事聞

贈卹有加當戰時雲自度必死命方度將印勅突圍乞師並針壞安平鹿耳門諸巨砲無遺賊用後從征勦以軍

漳州府志

卷之三十二

人物五

五十一

四百個

功補臺灣遊擊

游崇功字仲嘉漳浦人幼喪母事父以孝聞歷官長樂及海壇俱以擒捕洋盜著聲五轉而至臺灣水師遊擊朱一貴之亂崇功方巡哨北洋聞報急引還赴安平比至賊已大猖獗疾登岸赴敵其婿蔡章琦請安置眷屬厲聲曰今日遑知有家哉躍馬麾衆去戰于春牛埔歐陽凱及許雲咸戰死崇功揮霍無懼色突圍衝擊手刃百十人所乘馬被創亦遇害章琦自沉于海先崇功宮北路守備嘗爲民疏通水道有德于諸羅故子其死也民咸痛惜之事聞

贈秩廕子以旌其忠

李茂吉本姓江漳浦人臺灣安平鎮把總也朱一貴之亂群盜逼郊垆請于主帥許雲曰茂吉願以五百人爲前驅剪滅之雲曰壯哉令從征戰于

萬壽亭茂吉直入賊陣左衝右突所向輒披靡次日賊大集復戰于春牛埔歐陽暄殪焉許雲與游崇功俱戰死士卒亂茂吉力屈遂被擒賊渠載穆曰壯士若降當爲將軍茂吉瞑目厲聲曰逆奴我

朝廷命官豈肯從汝作賊耶舉足踢翻其案奮力一呼縲索斷直前欲奪刀殺賊賊怒群砍之頭腦破裂尚罵不絕口其娣丈名侯鵬者尋其屍弗得遇同執之弁蔡爵曰醢之矣乃招魂而歸明年奉

漳州府志

卷之三十二

人物五

五十二

二百六十九

旨廕一子

林芳字芬仲海澄人康熙間屢從征討以功官韶州副將辛巳八排洞獠作亂芳奉令征勦方出師大風折其纛軍吏咸失色芳笑曰天將令我潛師襲之乎率衆直搗其穴賊潰走山徑仄將班師會瘴霧彌漫迷失道衣桂于樹竟爲獠所害事聞

賜祭塋僕王申從死並收其骨附厝于墓域

張養字浩然海澄人雍正十年臺灣土番之變養以把總

統卒征之抵半線猝遇敵奮勇爭先養卒少賊來益衆身陷重圍大澤中馬旋濘而止養跳而步戰自午至甲殺傷賊無算賊已引去忽爲流矢中鼻死翼日尋其屍遙見田坡間尸昂然挺立以兩手拔箭如生皆呼曰張弁也遂收而殯之事聞

贈恤有加廕子耀武千總

唐達先漳浦學武生美秀而文精馬步射乾隆己卯應鄉試中第一念母孀守不忍應會試母趣之曰男子顯親爲貴耳汝盡汝分勿以吾墮乃志也乃承命以行是科成進士官侍衛庚寅春選雲南典潯鎮中營都司甲午

漳州府志

卷之三十二

人物五

五十三

二百九十一

金匪不靖部檄會勦達先慨然曰吾毋勉吾盡分此非吾分耶自請軍前効力卽隨大將軍進兵得首功除普洱鎮左營遊擊益奮勉凡臨敵無不身先士卒己未二月我師復大捷而達先竟爲流矢所中亡于陣大將軍憫其捐軀效忠輿尸重慶府殯斂之事聞

恩恤如禮

論曰死生大矣爲人臣能殺身成仁所以立地維而尊天柱也朱王造藍銘璽許雲若而人皆以身殉國者楚詞曰誠旣勇兮又以武終剛強兮不可陵剛爲天德故能視死如歸不如是千秋萬歲後可以其人

尚炯炯有光耶

補傳

歐陽凱漳浦人臺灣鎮總兵官朱一貴倡亂嘯聚于南路
岡山凱遣周應龍勦之逗留不進遂大猖獗凱親率將
弁駐春牛埔迎戰兩日賊黨數萬雲集凱奮身血戰躍
馬衝突鎮兵忽內亂百總楊泰先通賊爲內應刺凱墜
馬羣賊交刃遂遇害
贈太子少保 賜祭葬子敏以廕補官至廣東碣石鎮總
兵

黃海龍溪人父良安平鎮副將海有膂力弱冠從戎以諳

漳州府志

卷之三十二

人物五

五十四

一百四十四

水務授把總積勞擢遊擊乾隆三十四年隨大學士傅
恒征緬甸領步兵八十餘人由曼鳩水道舟行泊新街
遇賊海率士血戰手刃二人賊大至環刺之中鎗落水
死大將軍以聞

賜金子葬祭祀昭忠祠

劉可模 陳輝 許正 黃陞 陳啟明

藍廷珍 林亮 曾大猷

劉可模字非稜龍溪崇正舉人也瑰瑋有幹畧順治初以薦授粵東歸善令時劇盜羅漢踞老鴉寨圍惠來陷靖海可模赴任英適破荆隴寨支賊已及州治乃與守林崇孚率衆拒戰一再敗之復設伏殲其衆七百人賊遁別遣弁領二千人躡其後擒賊不意惠潮平擢高州守途次廣州驟得疾卒歸善人肖像祀之先是可模當鼎革後隱郡之軍倉里及受

漳州府志

卷之三十二

人物五

五十五

二百八十一

國朝恩命慨然奮功名之會初至粵聞賊燄熾或危其行可模不爲止及抵惠州方畫戰守具太守悉倚恃焉每戰身先士伍編子姓于行間子時渤時澍以追賊趨利死時汪從入廣中瘴死而可模竟無後

陳輝字燦珠海澄人崇正間以將材爲石美營哨官從破劇寇劉香有功歷遷守備叅將擢鎮將

國朝定鼎威德南被或勸以順時輝曰節未可夫也逃諸海又數年幡然曰時不可違也遂率所部內附總督李率泰見之喜甚征伐必與俱從平三島而閩安之役悉用其策竟成大功率泰曰眞宿將也請于

朝授慕仁伯趣入 觀以勞成疾未及行而卒輝爲將不恃勇以智取勝温恭下士士有酗酒罵坐者不校也以此稱長者

許正字蓋臣海澄人生時紅光耀室及長豪邁不羈嫻韜鈴饒技勇明季海上寇興同諸兄弟募兵觀變康熙三年以鄭氏將來歸授左都督駐九江移屯贛縣三藩叛耿精忠兵出杉關搖動江西諸郡正起兵赴援屢復贛州諸縣督撫上其功加太子少保擢總兵轄湖東三郡駐節建昌先是建昌爲賊所據安親王復而守之然環城十里外皆賊兵王患之正至請出勦夜二鼓破蕭家

漳州府志

卷之三十二

人物五

五十六

四百一十五

墟王晨召正始知其勦賊也大驚已而捷至乃大喜遂委正守建昌而親率師自袁州攻長沙正既受命以平賊爲己任屢出奇兵斬馘無算建昌境內皆寧晉提督兼轄饒州南昌等六郡復提督江西全省平廣昌藤釣楓樹二寨僞將劉汝桂率衆來降江西旣平嶺南猶騷動移鎮廣東寇攘絕迹封境千里晏如也累奏軍功廉謹不伐持法嚴明尤禁淫掠每獲難民婦女必遣還其家在江西九年年六十二卒民爲之立祠其爲德于鄉則修新溪陂築中港建明倫堂通廣東米以濟漳饑於族則興祖祠置祀田義事舉不勝書

贈宮傅子鳳朝以門蔭補駕部郎鳳翔補營官遊擊

黃陞字澤源海澄人少孤養于姨母家因冒姓吳氏比長從軍以千總隨征克陳州十九寨及金門銅山諸島身被重創又隨將軍施琅攻克澎湖乘勝入鹿耳門破臺灣戰功最累遷至淞江提帥廉介率屬軍政嚴明以武臣兼旬宣幹略能惠民恤商救荒禦菑

聖祖仁皇帝有天下第一好提帥之自康熙六十年臺灣變初定需重臣以鎮海疆遂移節泉州泉爲枌榆近地清直以服軍民安靜以優將弁

世宗憲皇帝親灑宸翰賜之疊膺異數以年老乞休再三

漳州府志

卷之三十二

人物五

五十七

四百一十四

許原品致仕給俸卒年七十二自歷仕褒贈三代皆歸于吳以報德遺疏則請復黃姓不忘所生武臣能以禮爲權衡尤可尚也謚忠恪孫溥之溱之俱以門蔭任治中

陳啟明漳浦人官叅將署順鎮事時前鎮將陳璠擊海賊兵敗爲所殺賊遂逼近郊村落攻劫無所憚擲雉尾炬焚汛艦艦卒皆走賊尾追至北門石湖桶登岸盜掠老幼爭趨入城城門閉民呼門大哭自相蹂踐死啟明三叩帥轅請發兵不應大言曰爲將食厚祿乃坐視賊猖獗至此哉躬擐甲執兵率親兵十餘人徑開東門與賊

遇突前奮擊手刃十餘賊當者皆碎賊皆下船逸首尾不能相過啓明扼腕曰使得一艦發巨炮追之賊無噍類矣自是賊不敢近城邑民德之後奉檄還民攀留不能得數千人送之江干羅拜雨泣忽麾下中軍將劉漢臣引纜截江以前守將坐逋船隻軍器銀未償委責署任官不聽去民奮前曰無慮也是在吾儕因擁還署各持鉢徧募男子鮮腰纏婦人拔首飾湏臾額滿夜呼漢臣示之大慙謝翌日行禮如前送數十里而別

藍廷珍字荆璞漳浦人有智畧謀畫皆合古法以善捕洋賊及關東劇盜孫森等累官南粵總兵官臺灣朱一貴

漳州府志

卷之三十二

人物五

五十八

四百三十八

之亂聞警報慨然以除叛安危爲己任上書制府陳進兵方略首請駐節廈門鎮撫遠近便督師時制府滿保已先啓行來廈門且檄召之矣得書喜意見脗合任廷珍當一面必有功廷珍旣抵廈門語大將施世驃曰奸徒烏合耳無能爲當易撲滅恐我師貪殺傷天和須嚴號令止殲渠魁脅從勿問令反側自安世驃曰善因下令軍中戒入郡毋妄殺掠遂進逼鹿耳門林亮董方殊死戰廷珍以大師繼進拔之乘勝取安平鎮次日鏖戰四鯤身轉戰七鯤身賊衆尚數十萬廷珍率精銳掩擊賊大奔薄至竿寮鄉悉衆相拒復大敗之走塗角垵又

連敗之遂長驅定府治計進兵先後纔七日耳比越月
叛者悉得伏厥辜

朝命卽以廷珍攝臺灣鎮事雍正元年提督福建水師拔
偏裨以下至秉節鉞者十餘人其知人如此又六年而
卒

贈大子少保謚襄毅世襲輕車都尉

林亮字漢臣漳浦人少孤苦長負雄略好結納賢豪講求
韜略康熙六十年朱一貴搆亂臺灣殺總兵官據其城
文武守臣並恆悸逃竄澎湖一島囂囂然動時亮官守
備厲聲曰我輩享 朝廷厚祿報 國正在今日萬無

漳州府志

卷之三十二

人物五

五十九

二百九十二

鋒刃未交相率委去理請整戰艦守要害賊至決一死
戰戰不捷而亮死公等遁未遲疾馳出申主將令官民
敢言退歸廈門者斬捍官孥去櫂悉返之按劍立江于
瞋目視怒髮上衝冠咸脅肩累足謹聽命人心乃固會
提督施世驃總兵藍廷珍統師至卽用爲前鋒亮奮勇
爭先以六艘冒死進奪鹿耳門旋拔安平鎮翼日戰鯤
身亮駕舟橫衝賊陣大敗之賊悉斃于水退守府治不
敢出亮復同董方從西港間道斜遶其背以擾之廷珍
統大軍繼進連日四大戰皆破之遂克府治七日內恢
復全臺亮之功爲最臺灣旣平越三載

朝命除藍廷珍爲提督而以亮代其任恤窮黎飭兵防正
己率屬招撫生番一百八社又五年移鎮浙江定海卒
賜祭葬子孫世襲職

曾大猷平和人有膂力以賣烟草爲業同儕侮之怒曰大
丈夫當立功名耳安能鬱鬱居此去從戎由小校擢漳
浦把總乾隆三十三年奸人盧茂等謀不軌偵知守城
卒以事赴漳城單虛可襲糾黨卽日發大猷聞取長刀
磨礪以須怫然曰賊至吾斬之俄而城上炮響或告曰
賊犯西門矣大猷卽從壞垣跳出遇守卒三人怔營怖
悸大猷挾以行令登城再施炮而自仗長刀禦之手刃

漳州府志

卷之三十二

人物五

六十

二百九十四

一賊賊奔大猷提其首血涔涔滴登城呼曰賊已授首
矣遂與知縣徐觀孫急下令闔城門百姓登陴捍禦違
者以逆論城中有爲賊應者咸懾伏不敢發翼日黎明
雲霄守備蘓華國至薄暮提督海澄公黃士簡至遂擒
盧茂餘黨捕治如法大吏以猷功上聞至都

上親問殺賊狀賜白金二百兩戴藍翎以守備用無何雲
南緬匪不靖大學士忠勇公傅恒往經略大猷從

賜宴五百軍士大猷位次大學士異數也大猷抵軍中傅
恒悉心任之竟以勞卒

恩恤有加

論曰漳多名將帥當邦家多事之時干城腹心或運
籌帷幄或戮力疆場如劉可模許正諸臣銘勲鐘鼎
書名竹帛指不勝屈藍廷珍林亮討叛誅貳稱萬人
敵皆應變槌出不旋踵而成功市肆不驚民慶安堵
師貞之吉行險而順尤足賴也君子聞鼓鼙之聲則
思將帥之臣况澤在棠梓者耶

漳州府志卷之三十二終

漳州府志

卷之三十二

人物五

六十一

一百四十二